



Broj: 13-11-4-4170/24
Sarajevo, 10.08.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

ODLUKU
o izboru najpovoljnijeg ponuđača

I

Za najpovoljnijeg ponuđača za javnu nabavku radova „Nadogradnja javne rasvjete na igralištima na području općine Novo Sarajevo“, po provedenom postupku javne nabavke putem otvorenog postupka javne nabavke izabran je sljedeći ponuđač:

SES d.o.o. Sarajevo
sa ukupnom cijenom od 39.780,00 KM
(slovima: tridesetdevethiljadasedamstotinaosamdeset i 00/100 konvertibilnih maraka) sa PDV-om

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-4270/24 od 25.04.2024. godine.

Procijenjena vrijednost javne nabavke sa PDV-om je: 45.000,00 KM (slovima: četrdesetpethiljada i 00/100 konvertibilnih maraka).

Obavještenje o javnoj nabavci broj: 935-1-3-86-3-167/24 objavljeno je na portalu javnih nabavki 13.05.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je da su do dana 04.06.2024. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	SAŠA TRADE d.o.o. Doboj	44.936,73 KM
2.	NEXEN d.o.o. Banja Luka	45.000,00 KM
3.	SES d.o.o. Sarajevo	44.175,05 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponude ponuđača NEXEN d.o.o. Banja Luka i SES d.o.o. Sarajevo su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača SAŠA TRADE d.o.o. Doboj Komisija je ocijenila kao **nepravilnu** iz sljedećih razloga:

Tenderskom dokumentacijom u Obrascu za cijenu ponude zahtijevano je sljedeće: „Ponuđač je uz ponudu dužan dostaviti kataloge u kojima će biti jasno naznačen tip nuđenog materijala/opreme, usklađen sa kolonom iz obrasca “Nudi se tip”. U suprotnom ponuda će se smatrati nepotpunom.“

Ponuđač SAŠA TRADE d.o.o. Doboj je u sklopu dostavljenog Obrasca za cijenu ponude propustio da navede ponuđeni tip svijetiljki na način definisan Obrascem za cijenu ponude.

Ponuđač je dostavio kataloge/kataloške listove za LED Uličnu lampu Halson ML-1009, te za LED Reflektor Master 300W, bez navođenja za koju svijetiljku iz Obrasca za cijenu ponude se navedeni proizvodi nude. Pored navedenog dostavljeni katalozi/kataloški listovi proizvođača nisu kompletni, te nije moguće izvršiti identifikaciju te poređenje ponuđenog proizvoda sa zahtjevnim iz Obrasca za cijenu ponude.

Iz naprijed navedenih razloga, ponuda ponuđača SAŠA TRADE d.o.o. Doboj se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponuđena cijena sa PDV-om
1.	SES d.o.o. Sarajevo	44.175,05 KM
2.	NEXEN d.o.o. Banja Luka	45.000,00 KM

Ponude ponuđača SES d.o.o. Sarajevo i NEXEN d.o.o. Banja Luka su unesene u sistem e-nabavki i zakazana je e-aukcija, koja je održana dana 02.08.2024. godine s početkom u 09:00 sati, i koja je trajala 24 (dvadesetčetiri) minute.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač SES d.o.o. Sarajevo ponudio najnižu cijenu koja iznosi 34.000,00 KM (slovima: tridesetčetih hiljada i 00/100 konvertibilnih maraka) bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponudena cijena bez PDV-a	Ukupna ponudena cijena sa PDV-om	Procentualno umanjeno cijene nakon provedene e-aukcije*
1.	SES d.o.o. Sarajevo	34.000,00 KM	39.780,00 KM	9,95 %
2.	NEXEN d.o.o. Banja Luka	34.100,00 KM	39.897,00 KM	11,34 %

* Označava približnu vrijednost procentualnog umanjeno nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 39.780,00 KM (slovima: tridesetdevet hiljada sedam stotina osamdeset i 00/100 konvertibilnih maraka) sa PDV-om, te da se ponuđaču SES d.o.o. Sarajevo dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

**PO OVLAŠTENJU OPĆINSKOG NAČELNIKA
SEKRETAR OPĆINSKOG ORGANA DRŽAVNE SLUŽBE**



Arijana Talović
Arijana Talović

DOSTAVLJENO:

- SAŠA TRADE d.o.o. Doboj
- NEXEN d.o.o. Banja Luka
- SES d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

